



Broj: 02-05-2934/17
Lukavac, 16.03.2018.godine

Na osnovu člana 69. stav (3) i člana 70. stav (4) i (6) Zakona o javnim nabavkama („Sl. glasnik BiH“, broj: 39/14), u postupku javne nabavke usluga - Nagradni konkurs za izradu Idejnog rješenja Urbanističkog projekta „Gradska pješačka zona u Lukavcu“, Općinski Načelnik d o n o s i

O D L U K U o otkazivanju postupka javne nabavke

Član 1.

Otkazuje se postupak javne nabavke usluga - Nagradni konkurs za izradu Idejnog rješenja Urbanističkog projekta „Gradska pješačka zona u Lukavcu“, shodno članu 69. stav (3) Zakona o javnim nabavkama („Sl. glasnik BiH“, broj: 39/14), iz razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Član 2.

Ova Odluka objavit će se na internet stranici ugovornog organa (www.lukavac.ba), u skladu sa članom 70. stav (6) Zakona o javnim nabavkama.

Član 3.

Ova Odluka stupa na snagu danom donošenja.

O b r a z l o Ź e n j e

Općina Lukavac je Odlukom Općinskog Načelnika pokrenula postupak javne nabavke usluga - Nagradni konkurs za izradu Idejnog rješenja Urbanističkog projekta „Gradska pješačka zona u Lukavcu“. Postupak je pokrenut na osnovu Odluke broj: 02-02-1-2933/17 od 11.12.2017.godine. Procijenjena vrijednost javne nabavke bez PDV-a je 8.550,00 KM.

Obavještenje o nabavci broj: 719-6-2-109-3-71/17 objavljeno je na Portalu javnih nabavki dana 11.12.2017.godine i u „Službenom glasniku BiH“, broj 89/17 od 15.12.2017.godine, a Ispravka Obavještenja o nabavci broj: 719-6-2-109-8-77/17 objavljena je na Portalu javnih nabavki dana 19.12.2017.godine i u „Službenom glasniku BiH“, broj 90/17 od 22.12.2017.godine.

Konkursna Komisija za provođenje postupka javne nabavke imenovana je Rješenjem Općinskog Načelnika broj: 02-05-3354/17 od 29.12.2017.godine i na prvom radnom sastanku utvrdila je sljedeće:

- da je u predmetnom postupku primljena jedna ponuda;
- da je blagovremeno primljena jedna ponuda;
- da nije bilo neblagovremeno primljenih ponuda;



- da je tačkom 3.4. stav 1. Konkursne dokumentacije precizirano da „*ukoliko do utvrđenog roka za predaju radova budu dostavljena najmanje dva kvalifikovana konkursna rada koji ispunjavaju uslove konkursa, konkursna komisija će pristupiti njihovom ocjenjivanju.*

Obzirom da je jasno utvrđeno da je do utvrđenog roka za predaju radova dostavljen samo jedan kvalifikovani konkursni rad, postupak javne nabavke se nije mogao nastaviti.

Iz navedenih razloga, primjenom člana 69. stav (3) i člana 70. stav (4) i (6) Zakona o javnim nabavkama („Sl. glasnik BiH“, broj: 39/14) riješeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.

Sekretar komisije:
Fahrudin Hasanhodžić



Dostaviti:

1. Web stranica općine Lukavac
2. Evidenciji i
3. Arhivi.